


www.BibleForChildren.org


मत्ती ८



गलील परदेस गै काना गाम में तीसरै दिन किंगैई ब्या हो।
यीसू गी मां बी ब्या में आएड़ी ही। यीसू अर बिंगा चेला नै
बी ब्या में बुलाएड़ा हा।



जद बठै दाख गो रस मुकग्यो तो, यीसू गी मां यीसू नै केयो,
“बांगै कनै अब ओर दाख गो रस कोनी है।” फेर यीसू गी मां
ब्या में काम करण आळै नोकरां नै केयो, “झिको कीं बो थानै
केवै, बिंयाई करियो।”



यीसू ब्या में काम करण आलै नोकरां नै केयो,
“आं माटला में पाणी भर दैयो। नोकरां माटला
नै उपर ताई भर दिया।” फेर बण बानै केयो,
“माटला माऊं थोड़ो काड गे भोजन गै प्रधान नै
दिखाओ।” अर बे लेग्या।



भोजन गै प्रधान जद बो पाणी पीयो तो बिं टेम बो दाख गो
रस बणग्यो हो, बिनै ठा कोनी हो कै दाख गो रस कठूं आयो
पण झिका नोकरां माटला माऊं
पाणी काडयो बानै पतो हो।
फेर भोजन गै प्रधान बीन नै
बुला'गे केयो, “हर कोई पेलां
आच्छो दाख गो रस देवै है
जद लोग धाप जावै है तो
थोड़ो बिंऊं हळको
दाख गो रस देवै है
पण थे अजे तांई
बडिया आळो दाख
गो रस मेल
राख्यो है।”





यीसु गलील गै काना गाम
में पैलो चमत्कार करयो। ईं
चमत्कार गै द्वारा यीसु
आपगी मेमा प्रकट करी। अर
बिंगा चेला बिं पर बिस्वास
करयो।



यीसू जद पतरस गै घरे गेयो तो बिंगी सासू
बुखार में सुती पड़ी देखी।



तो यीसू बिंगै हात गै आपगो हात लगायो अर बा ठीक होगी
अर बा यीसू गी सेवा करण लागगी।



आथण पेर गी जद सूरज डूबग्यो बिं टेम लोग झिका बीमार
हा अर झिका में ओपरियां गी कसर ही बानै यीसू कनै
ल्यावण लागग्या। अर बठै
गा भोत सारा लोग
बारनै कनै भेळा हो'ग्या।




अर यीसू भोत जणा नै बीमारियां उं ठीक करया झिका न्यारी
न्यारी बीमारियां उं दुखी हा। अर भोत जणा मू ओपरियां
काडी। बां ओपरियां गा मूं ई बंद कर दिया। क्यूकै बे जाण ही
कै यीसू कुण।




सारा बिंगै हात लगाणो चावा कयूंकै बामूं निकळण आळी
सामरथ सारा नै ठीक करै ही।



बिं टेम चार आदमी एक लकवै गै रोगी नै
चक'गे बांगै कनै ल्याया।



पण जद बे बोळी भीड़ गै कारण बांगै
कनै कोनी जा सक्या तो झिकै मकान में
यीसू बेठ्या बिं मकान गी छत नै
अधेड़ गे सणै माची बिं आदमी
नै बांगै सामै उतार दियो।




लकवै गै रोगी नै सणै
माची यीसू गै सांमै
नीचै उतार दियो यीसू
बां लोगां गो बिस्वास
देख गे बिं लकवै गै
रोगी नै केयो, “बेटा
तेरा पाप माफ
होग्या।” मै तनै
केऊं, “तेरी मांची
चकले अर आपगै
घरे उड़ज्या।”



जद यीसू आपगै चेलां सागै
किस्ती पर चड गे बेठग्यो।
बिं टेम झील में मोटो
तूफान आ'ग्यो अर लेहरां
किस्ती गै ऊपराकर
जावैई। पण यीसू बिं
टेम सुत्यो पड़यो हो।



जद यीसू बानै केयो, “हे कमजोर बिस्वासियोँ, थे इता डरेड़ा
क्यामी हौ?” जद यीसू खड़यो होंगे तूफान अर लेहरां नै
ललकारी अर बे रुकगी। ओ देखगे बे लोग हेरान हो'ग्या अर
आपसरी में केण लाग्या, ओ कण आदमी है झिकै
गो केणो तूफान अर समुंदर बी मानै।



कयूँकै परमेसर संसार गै लोगां सागै इतो
प्रेम करयो कै आपगो एकलोतो बेटो दे
दियो कै झिको कोई बी बिं पर
बिस्वास करै बो नास ना होवै पण
अनन्त जीवन पावै।



रोमी 3:23 ईंखातर सारा लोग पाप करयो अर परमेसर
गै सागै झिकी मेमा ही बा अब कोनी।

रोमी 6:23 क्यूँकै पाप गो इनाम मोत है पण झिको
इनाम परमेसर देवै है बो आपणै प्रभु यीसू मसी में
अनन्त जीवन है।

इब्रानी 9:27 जिया मिनख गै मरण गो दिन बणेड़ो है,
बियाई बिंगै न्याय गो बी दिन बणेड़ो है।

इफिसुस 2:8,9 क्यूँकै परमेसर गी किरपा गै द्वारा थारै
बिस्वास गै कारण थानै मुक्ती मिलै। ओ परमेसर गो
वरदान है पण थारै कानीं ऊं कोनी। ओ सारो आपणै
करमा गो फळ कोनी है, इया ना होवै कै आपां कीं बात
पर घमण्ड कर सकां।



रोमी 10:9,10 कै जे थे आपगै मूं ऊं केवो कै यीसू ई
प्रभु है अर आपगै मन में हिसो बिस्वास राखो हो कै
परमेसर बिनै मरेड़ा मू जीवंतो करयो तो थानै जरूर
मुकती मिल ज्यैगी। क्यूँकै थे आपगै मन में हिसो
बिस्वास राखो हो ईखातर परमेसर गी नजर में निरदोस
बणो हो अर थे आपगै मूं ऊं केवो कै यीसू ई प्रभु है
ईखातर परमेसर थानै मुकती देवै है।

यूहना 3:16,17 क्यूँकै परमेसर संसार गै लोगां सागै इतो
प्रेम करयो कै आपगो एकलोतो बेटो दे दियो कै झिको
कोई बी बिं पर बिस्वास करै बो नास ना होवै पण
अनन्त जीवन पावै। परमेसर आपगै बेटै नै संसार गै
लोगां नै सजा देण खातर कोनी भेज्यो पण बिंगै द्वारा
संसार गै लोगां नै मुकती मिलज्यै ईखातर भेज्यो।



1 यूहन्ना 5:11-13 अर बा गवाई आ है: परमेसर आपां नै अनन्त जीवन दियो है अर बो जीवन बिंगै बेटै यीसू गै द्वारा मिल्यो है। झिको बिंगै बेटै नै मानै है, बिंगै केनै अनन्त जीवन है। पण झिको परमेसर गै बेटै नै कोनी मानै है, बो परमेसर गै सागै अनन्त जीवन कोनी जी सकै है। परमेसर में बिस्वास राखण आळो, थानै ऐ बातां ईखातर लिखण लागरयो हं झिकै ऊं थे ओ जाणल्यो कै अनन्त जीवन थारो है।



मत्ती 8-9; मरकुस 1-2, 4; लूका 4, 8; यूहन्ना 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Bagri Bible (bgq) © 2023 (Active), Wycliffe Bible
Translators, Inc. All rights reserved.
© WIn Publishing Trust

www.bible.com/bible/3550/MAT.1

©2026 Bible for Children, Inc.

www.M1914.org

www.bibleforchildren.org

